

Бақара сураси, 94-оят

08:25 / 20.10.2017 3512

Айт: «Агар Аллоҳнинг ҳузуридаги охират ҳовлиси бошқа одамларсиз, холис сизга бўладиган бўлса, бас, агар ростгўй бўлсангиз, ўлимни орзу қилинг». Бақара 94.

Маълумки, яҳудийлар: «Биз Аллоҳнинг танлаб олган халқимиз, фақат бизгина ҳидоятдамиз, фақат бизгина охиратда нажот топамиз, жаннатдан жой олиб, роҳат-фароғатда бўламиз, бошқа халқларнинг жаннатдан насибаси йўқ», – дейишар эди.

Демак, мантиқан, ким ўзининг жаннатга киришига аниқ-равшан ишонса, тезроқ ўлиб, у дунёга ўтишга ва шу билан ўша орзусига тезроқ етишга ошиқади. Рост-да, жаннатга кириши аниқ бўлса-ю, бу дунё қамоқхонасида азобу уқубатга кўмилиб юраверса!.. Ким истайди буни? Бу ҳолат саҳобалар ҳаётида яхшилаб тажрибадан ўтказилган. Набий алайҳиссалом жаннатнинг хабарини берганларида қўлида тутиб турган хурмони еб олишни кўп кўрганлари бўлган.